

**9. SASTANAK STRANA
OKVIRNOG SPORAZUMA
O SLIVU RIJEKE SAVE**

Zagreb (Hrvatska), 9. decembra 2022. godine

DEKLARACIJA

9. SASTANAK STRANA OKVIRNOG SPORAZUMA O SLIVU RIJEKE SAVE

Zagreb (Hrvatska), 9. decembra 2022. godine

DEKLARACIJA

MI, STRANE OKVIRNOG SPORAZUMA O SLIVU RIJEKE SAVE, okupivši se u Zagrebu 9. decembra 2022. godine na svom devetom sastanku, *podsjecamo* na presudnu važnost regionalne saradnje i koordinacije Strana,

Svjesni velikog značaja sliva rijeke Save, njegovog okoliša i prirodnih resursa za privredno i društveno blagostanje, kao i presudne važnosti regionalne saradnje i koordinacije u skladu s Okvirnim sporazumom o slivu rijeke Save (Okvirni sporazum) kako bi se postigao održivi razvoj u slivu rijeke Save,

Prepoznajući rezultate od kojih Strane mogu imati koristi, kao i štetu koju je moguće izbjeći ili ublažiti slijedom saradnje Strana kroz i u sklopu Međunarodne komisije za sliv rijeke Save (Savska komisija),

Cijeneci napredak u koordiniranoj implementaciji Okvirne direktive EU o vodama i Direktive EU o poplavama, te *pozivajući* na daljnji zajednički pristup planiranju za cjelokupni sliv rijeke Save, na uzajamnu korist i veće blagostanje ljudi, društva i prirode sliva,

Pozdravljajući novi transformativni okvir koji pruža Europski zeleni plan sa svojim strategijama i povezanim procesima, uključujući Zeleni plan za Zapadni Balkan,

Doprinoseći ostvarenju cilja br. 6 Programa održivog razvoja do 2030. godine Ujedinjenih nacija,

Ističući važnost plovidbe u slivu rijeke Save za privredni i društveni razvoj regije, te potrebu za jačanjem zajedničkih koraka usmjerenih na ubrzanje aktivnosti koje vode obnovi i daljnjem razvoju cjelokupnog plovnog puta rijeke Save,

Izražavajući zadovoljstvo izvanrednim napretkom ostvarenim u pogledu integrisanih informacionih sistema, *potvrđujući* njihovu važnost i efikasnost za razmjenu podataka i informacija relevantnih za sliv rijeke Save,

Imajući u vidu opredjeljenje Strana izraženo u Deklaraciji s 8. sastanka Strana održanog u Sarajevu (Bosna i Hercegovina) 24. oktobra 2019. godine, izjavljujemo sljedeće:

U vezi sa saradnjom u slivu rijeke Save u sklopu Okvirnog sporazuma

- *Cijenimo* napore Strana, Savske komisije, njenog Sekretarijata i stručnih tijela u implementaciji Okvirnog sporazuma, te *prepoznajemo* značajni sveukupni napredak u ostvarivanju zajednički dogovorenih ciljeva utvrđenih Okvirnim sporazumom i njegovim protokolima postignut tokom izvještajnog perioda,
- *Razmotrivši* osme nacionalne izvještaje o implementaciji Okvirnog sporazuma i rad Savske komisije *prihvaćamo* Izvještaj o implementaciji Okvirnog sporazuma o slivu rijeke Save za period od 1. jula 2019. do 30. juna 2022.

U vezi sa saradnjom u integralnom upravljanju vodama

- *Odobravamo drugi Plan upravljanja slivom rijeke Save (Sava RBM plan) kao ključno postignuće u regionalnoj saradnji u vodnom sektoru koje vodi ostvarenju jednog od ključnih ciljeva Okvirnog sporazuma - uspostavi održivog upravljanja vodama,*
- *Cijeneci aktivno sudjelovanje i doprinos razvoju drugog Sava RBM plana, pozdravljamo njegovo odobrenje od strane Crne Gore,*
- *Podsjećajući na važnost prvog plana odobrenog 2014. godine, izuzetno cijenimo izniman rad Savske komisije, kao koordinacionog tijela, u izradi drugog, ažuriranog Sava RBM plana,*
- *Izražavamo zahvalnost svim drugim institucijama i pojedincima koji su pružili doprinos izradi Sava RBM plana,*
- *Pozdravljajući glavna postignuća u implementaciji mjera predviđenih prvim planom, obvezujemo se na implementaciju Programa mjera predviđenog ovim ažuriranim Sava RBM planom, kako bi se pružio doprinos ostvarenju zajedničkih ciljeva - sprječavanju daljnjeg pogoršanja i poboljšanju stanja vodnih ekosistema i ekosistema ovisnih o vodama, promociji održivog korištenja voda, jačanju zaštite i poboljšanju vodnog okoliša, površinskih i podzemnih voda i doprinijelo ublažavanju uticaja poplava i suša, uz svijest o postojećim razlikama između Strana - onih koje jesu i onih koje nisu države članice EU,*
- *Imajući u vidu da mjere predstavljaju odgovornost Strana, zadužujemo Savsku komisiju da Stranama pruži svu potrebnu pomoć u kontaktima s relevantnim međunarodnim institucijama, kako bi se našlo više mogućnosti i mehanizama za finansiranje implementacije mjera na nivou sliva,*
- *Imajući u vidu nedostatke, nesigurnosti, izazove i nove razvojne prilike prepoznate u procesu planiranja na nivou sliva, obvezujemo se uložiti dodatne napore kako bi se osigurali odgovarajući resursi za nastavak aktivnosti uz koordinaciju Savske komisije, pozivajući na prekogranična rješenja kojima će se integrirati društveni, okolišni i ekonomski principi za održiv i otporan razvoj sliva rijeke Save,*
- *Pozdravljamo napore Strana uložene u implementaciju mjera Plana upravljanja rizikom od poplava u slivu rijeke Save kako bi se pružio doprinos sprečavanju ili ograničavanju opasnosti, te smanjenju i uklanjanju štetnih posljedica nastalih uslijed poplava i obvezujemo se osigurati odgovarajuće resurse u drugom ciklusu planiranja za pripremu svih relevantnih koraka u skladu s Protokolom o zaštiti od poplava uz Okvirni sporazum,*
- *Pozdravljajući potpisivanje i uspješnu implementaciju Memoranduma o razumijevanju o saradnji u redovnom funkcionisanju i održavanju Sistema prognoziranja poplava i upozoravanja na poplave u slivu rijeke Save - Sava FFWS, obvezujemo se na poduzimanje svih neophodnih aktivnosti u vezi sa redovnim funkcionisanjem, održavanjem i daljnjim razvojem Sava FFWS,*
- *Cijeneci izradu Okvira za Plan upravljanja nanosom, te stalnu razmjenu podataka i informacija o planiranom i provedenom iskopu, potvrđujemo predanost osiguranju podrške za daljnju implementaciju Protokola o upravljanju nanosom uz Okvirni sporazum, te izradu cjelovitog Plana upravljanja nanosom za sliv rijeke Save,*
- *Potvrđujemo svoju predanost realizaciji završnog usklađivanja Protokola o izvanrednim situacijama uz Okvirni sporazum, uzimajući u obzir njegovu važnost za implementaciju Okvirnog sporazuma.*

U vezi s obnovom i razvojem plovidbe

- *Potvrđujemo* svoju predanost obnovi i razvoju plovidbe na rijeci Savi i njenim plovnim pritokama, svjesni značaja plovidbe za daljnji privredni i društveni razvoj regije, uz uvažavanje primjenjivih propisa u području zaštite okoliša, kao i Zajedničke izjave o vodećim principima za razvoj unutrašnje plovidbe i zaštite okoliša u slivu rijeke Dunav (Zajednička izjava),
- *Pozdravljamo* napredak u procesu razminiranja obala rijeke Save, uz poseban naglasak na planirane lokacije radova na obnovi i održavanju plovnog puta, imajući u vidu da je razminiranje tih lokacija preduslov za implementaciju neophodnih ispitivanja u svrhu pripreme projektne dokumentacije, te da moguća kašnjenja u aktivnostima razminiranja mogu negativno uticati na već otpočete aktivnosti obnove plovnog puta. U tom smislu, *pozdravljamo* početak aktivnosti na administrativnim postupcima, nakon kojih će uslijediti implementacija projekta razminiranja,
- *Pozdravljamo* napredak u obnovi plovnog puta na kritičnim sektorima u Republici Srbiji, uključujući pripremu studije izvedivosti za obnovu sektora ušća rijeke Drine,
- *Pozdravljamo* dovršetak izrade neophodne dokumentacije za obnovu sektora plovnog puta Jaruge - Novi Grad, te u skladu s tim, *izražavamo zadovoljstvo* uspostavom i radom Foruma zainteresovanih strana u okviru te aktivnosti kao značajnim iskorakom u implementaciji Zajedničke izjave,
- *Pozdravljamo* aktivnosti izrade nacрта Pravila održavanja plovnog puta na zajedničkim sektorima plovnog puta rijeke Save u svrhu pune implementacije bilateralnog sporazuma između Vlade Republike Hrvatske i Vijeća ministara Bosne i Hercegovine o plovidbi te označavanju i održavanju plovnog puta rijeke Save,
- *Cijenimo* rad na projektima u vezi sa implementacijom Protokola o sprečavanju zagađenja uzrokovanog plovidbom,
- Iako planirane mjere za obnovu i razvoj plovidbe na rijeci Savi predstavljaju odgovornost Strana, *zadužujemo* Savsku komisiju da Stranama nastavi pružati pomoć u kontaktima s relevantnim međunarodnim institucijama kako bi se našlo više mogućnosti i mehanizama za podršku i finansiranje aktivnosti u vezi s obnovom i razvojem plovidbe na rijeci Savi te praćenjem i koordinacijom njihove implementacije,
- *Cijenimo* aktivnosti u vezi s izradom publikacija u području unutrašnje plovidbe i njihovom primjenom u zemljama sliva.

Svjesni važnosti međusektorskih pitanja u slivu rijeke Save

- *Imajući u vidu* da Zajednički akcioni plan za sliv rijeke Save (JPA), koji je Savska komisija pripremila 2017. godine uz podršku Svjetske banke, ocrtava put prema održivom razvoju i rastu u regiji i ima za cilj služiti kao katalizator za daljnje jačanje saradnje, *odajemo priznanje* za izniman rad uložen u uspješnu pripremu povezane regionalne komponente Programa integrisanog razvoja koridora rijeka Save i Drine (SDIP) te se *obvezujemo* pružiti sve neophodne resurse i podršku Savskoj komisiji u implementaciji aktivnosti planiranih u okviru prve faze SDIP-a,
- *Potičemo* Savsku komisiju da nastavi i dodatno ojača dijalog s relevantnim zainteresovanim stranama iz sektora plovidbe, hidroenergetike, poljoprivrede, očuvanja prirode i upravljanja

poplavama, u cilju integracije okolišnih, društvenih i ekonomskih aspekata u planiranje i implementaciju infrastrukturnih projekata, poštujući načelo održivog razvoja u slivu,

- *Imajući u vidu* vjerovatne posljedice klimatskih promjena na vodni režim u slivu rijeke Save te potrebu za učinkovitim mjerama prilagođavanja, *potičemo* Savsku komisiju i Strane da poduzimaju daljnje aktivnosti koje vode prilagođavanju na klimatske promjene u slivu,
- *Uviđajući* relevantnost prekogranične razmjene podataka i informacija kao temelja za donošenje odluka i planiranje u slivu rijeke Save, *cijenimo* napore Savske komisije i Strana uložene u uspostavu i održavanje platforme Sava GIS, te *izražavamo* svoju predanost u osiguravanju potrebnih sredstava za daljnji razvoj i poboljšanja skupova alata Sava GIS-a i Sava HIS-a u vezi s integrisanim upravljanjem vodama i aplikacijama u vezi s plovidbom.

U završnim napomenama

- *Zahvaljujemo* zainteresovanim stranama na njihovoj saradnji u aktivnostima na nivou sliva te *pozdravljamo* njihovo daljnje uključivanje u buduće relevantne procese,
- *Pozdravljamo* poruke 10. sastanka Parlamenta mladih sliva rijeke Save prenesene ovom sastanku te *potičemo* mladu generaciju na daljnju saradnju u okviru Savske komisije,
- *Izražavamo* zahvalnost donatorima, relevantnim partnerskim organizacijama i svim drugim subjektima na podršci radu Savske komisije te se *nadamo* njihovoj podršci i saradnji i u budućim aktivnostima Savske komisije,
- *Izražavamo* zahvalnost Vladi Republike Hrvatske za domaćinstvo 9. sastanka Strana i *najavljujemo* sljedeći sastanak Strana koji će se održati u Republici Srbiji 2024. godine.